



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU **STRANKE HRVATSKOG PRAVA**

Broj: 09-07-6-1113/07  
Sarajevo, 24. april 2008. godine

## **SADRŽAJ:**

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja Stranke Hrvatskog prava za 2006. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Stranka Hrvatskog prava u kontrolisanom periodu prekršila odredbe člana 11. stav 3. i člana 12. stav 2. Zakona o finansiranju političkih stranaka.**

**Na osnovu našeg pregleda, odnosno kancelarijske revizije finansijskog izvještaja, nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Stranke Hrvatskog prava za 2006. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka Hrvatskog prava je iskazala prihode u iznosu od 0,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	
2	Prilozi fizičkih lica	0	
3	Prilozi pravnih lica	0	
4	Prihodi od imovine	0	
5	Prihodi od pr.lica	0	
6	Prihodi od poklona	0	
7	Prihodi iz budžeta	0	
	<b>Ukupni prihodi:</b>	0	

U godišnjem finansijskom izvještaju Stranka Hrvatskog prava je iskazala ukupne rashode u iznosu 79,50 KM.

## 2. PREDSTAVLJANJE POLITIČKE STRANKE

Naziv političke stranke: Stranka Hrvatskog Prava. Skraćeni naziv stranke je SHP

Stranka Hrvatskog prava je registrovana 30.12.2004.godine kod Kantonalnog suda u Livnu. Sjedište političke stranke je u Livnu.

Za zastupanje stranke ovlašten je ing. Ante Matić, predsjednik.

Lice ovlašteno za podnošenje finansijskih izvještaja za 2006. godinu je Ante Matić.

U godišnjem finansijskom izvještaju za 2006. godinu je navedeno da Stranka Hrvatskog prava nema organizacionih dijelova nižeg nivoa.

### **3. OPIS PREGLEDA I KANCELARIJSKE REVIZIJE**

**Predmet kancelarijske revizije je** godišnji finansijski izvještaj Stranke Hrvatskog prava za 2006. godinu.

**Cilj kancelarijske revizije** je da revizor na bazi finansijskog izvještaja pokuša da ustanovi da li je Stranka hrvatskog prava u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja odredbi zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim kancelarijske revizije** finansijskih izvještaja Stranke hrvatskog prava obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE REVIZIJE**

Izvršen je pregled godišnjeg finansijskog izvještaja Stranke Hrvatskog prava za 2005. godinu i izdat izvještaj o pregledu sa mišljenjem revizora da je politička stranka je dostavila finansijski izvještaj u skladu sa članom 11. stav 3. Zakona o finansiranju političkih stranaka i na obrascima propisanim Pravilnikom o godišnjim finansijskim izvještajima političkih stranaka, te da nije bilo kršenja Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

### **5. NALAZI KANCELARIJSKE REVIZIJE**

#### **5.1. NALAZI**

- a) Na osnovu obavljene kancelarijske revizije godišnjeg finansijskog izvještaja utvrđeno je da Stranka Hrvatskog prava u 2006. godini prekršila odredbe člana 11. stav 3. Zakona o finansiranju političkih stranaka.<sup>1</sup>**

---

<sup>1</sup> Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.

Stranka je prekršila odredbe člana 11. stav 3. Zakona o finansiranju političkih stranaka jer nije popunila obrasce godišnjih finansijskih izvještaja u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06) i to:

- nije navela broj deviznog računa i naziv banke kod koje je otvoren<sup>2</sup>, i
- dostavila je godišnji finansijski izvještaj za 2006. godinu na starim obrascima, koji su stavljeni van snage.

**b) Na osnovu obavljene kancelarijske revizije godišnjeg finansijskog izvještaja, utvrđeno je da Stranka Hrvatskog prava u 2006. godini prekršila odredbe člana 12. stav 2. Zakona o finansiranju političkih stranaka.<sup>3</sup>**

Stranka Hrvatskog prava u godišnjem finansijskom izvještaju za 2005. godinu nije navela ime lica ovlaštenog za podnošenje finansijskih izvještaja, dok je u 2006. godini navedeno da je lice za podnošenje finansijskih izvještaja Ante Matić, predsjednik stranke. Ova politička stranka nije u skladu sa članom 12. stav 2. zakona izvjestila Centralnu izbornu komisiju BiH o promjeni statusa ovlaštenog lica za finansijske izvještaje.

## **5.2. PREPORUKE :**

*Preporučuje se Stranci Hrvatskog prava da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 12. stav 2. i člana 11. stav 3. Zakona o finansiranju političkih stranaka, odnosno da finansijske izvještaje popunjava u skladu sa Pravilnikom o godišnjim finansijskim izvještajima političkih stranaka. .*

## **KOMENTAR:**

U ostavljenom roku, Stranka hrvatskog prava se nije očitovala na Preliminarni izvještaj o pregledu godišnjih finansijskih izvještaja za 2006. godinu.

---

<sup>2</sup> Putem ovog računa nije ostvaren promet u 2006. godini.

<sup>3</sup> Podnosioci izvještaja obaviještavaju CIK BiH o imenovanju ili promjeni statusa ovlašćenog lica u roku od tri (3) dana od njegovog imenovanja i u slučaju bilo kakve promjene statusa tog lica dužni su roku od tri (3) dana obavijestiti o toj promjeni.

Hasida Gušić, šef Službe za reviziju

Sanja Čabrilo, revizor

Željko Bakalar, pomoćnik revizora